

Sarajevo, 14.11.2016

## INICIJATIVA

POSLANIK: MARIO VUKASOVIĆ

**Inicijativa upućena : Vlada KS**

Svjedoci smo velikog zagađenja u našem gradu, a koje je velikim dijelom uzrokovano i ispušnim plinovima koje ispuštaju auti, te time doprinose velikim dijelom i zagađenjem u našem gradu. Plinovi koje auti ispuštaju doprinose čak 30% kompletnoj količini emisije svih štetnih gasova u atmosferu.

Trend u svijetu danas jeste da se ljudi ohrabruju da kupuju automobile koji malo zagađuju ili električne automobile, koji su u potpunosti ekološki prihvatljivi i koji nikako ne zagađuju okolinu te su zemlje EU uvele posebne povlastice za građane koji se odluče kupiti jedan takav automobil.

Na žalost, osim što nemamo nikakve povlastice i pogodnosti ako se građani odluče kupiti jedan ovakav automobil, oni ga nemaju gdje puniti a da ne spominjemo da smo jedan od posljednjih glavnih gradova u Evropi koji nemaju ovakvu punionicu za električnih automobile.

Također, svjedoci smo da je Sarajevo sve veći turistički hit a da u EU danas imamo skoro 3 miliona električnih automobila te da je i ovo jedan od faktora koji bi uticao na to da li će neko doći u naš grad ili neće. Dokaz tome je i da je hotel Meriott ugradio privatnu stanicu za punjenje električnih automobila u septembru namijenjenu isključivo svojim gostima a sve to jer su imali veliki broj upita od strane turista kada su dolazili u naš grad.

Stoga, podnosim inicijativu da se u sredstvima planiranim za iduću godinu izdvoje sredstva za postavljanje makar jedne stanice za punjenje električnih automobila u centru na nekoj od lokacija u kantonu, po mogućnosti bliže centru grada.

Molim Vladu KS da se izjasni o navedeno prijedlogu te dostavi odgovor u roku definisanom u poslovniku.